

Bon-kamgipa Bichal Ka-ani



Amazing Facts
Poraiani

19



Bichal Ka-gipa ning-ona napbaaha, bichal ka-ani raiko poraiataha- bichal ka-aniko chipaaha! Adita chanchianirang gisiko dingchike chanchiatna nangani ongenga. Sal ta-raken re-baenga jensalo darangni janggirangan pilakon u-gipa Isolni mikkango nipiltainiko man-na nanggen **(2 Korinthirangna 5:10)**. Indiba ian nang-ko kenjagokatjachina—ka-dongbo! Million manderang ia Poraianio bichal ka-ani gimin nama kattako man-e namgipa koborrang ine

nikaha! Mingbri obostarango jensalo Parape-ani ki-tap dal-gipa bichal ka-ani gimin janapaniko dakon, ian ring-mitelaniko aro mitele on-aniko ra-baaha! Indiba na-a Sastroo bichal ka-ani gimin chang hajalsarangna baten janapaniko dakaha ine u-iama? Sastroko segipa sakantian ong-nasipile iani gimin janapaniko dakaha, uni gimin uni gamchataniko aganbadena man-ja. Adita somoirangni ja-mano, ia simsakgija donako man-gipa skie ra-ani gimin na-a chong-motgipa ong-aniko tale roke nikna man-gen. Gisikra-atna nangani: Uano gadang gittam bon-kamgipa bichal ka-aniko dakani donga—ia lessonrangko poraion uarangKO namedake nibo.

Skanggipa Bon-kamgipa Bichal Ka-ani

1

Gabriel sa-gre Danielna 1844 bilsio salgio bichal ka-ani gimin nikaniko on-aha. Skanggipa bichal ka-aniko pre-advent judgment ine mingaha maina ian Jisuni gnigipa re-bana skang ong-enga. Maidakgipa dolni manderang skanggipa bichal ka-anio ong-gen? Basako uan bon-egen?

“Maina bichal Isolni nokoni a-bachengna sal ong-aha” (1 Pitor 4:17).

“Oniako dakgipa onia dakangchina; moilagipa moila ong-angchina; aro kakketgpa kakket dakangchina; aro rongtalgipa rongtala ong-angchina. Nibo, anga bakbak re-baa; aro uamangni kam ong-a gita, sakantina on-na ine angni on-gni dormaha ang baksan” (Parape-a 22:11, 12).

Aganchakani: Ian Jisuni gnigipa re-bana skangmangmang matchotgen. (1844ni somoini a-bachenganiko Poraiani lesson 18 o talataha.) Tangoba sioba, jerangan Kristianrang ong-a ine chanako man-aha (“Isolni nokoni”) pre- advent judgment ba Kristoni re-bana skang bichal ka-anio bak donggen.



2

Sawa bichal ka-aniko dakdilgen? Sawa warachakgipa ukil ong-a? sawa bichal ka-gipa ong-a? Sawa matnanggipa ong-a? Sawa sakki ong-a?

"Aro budepa saksa asongaha ... Uni singhason wal-sare ... bichal ka-ani ong-aha, aro ki-taprangko oaha" (Daniel 7:9, 10). "Pagipani mikkango an-chingna aganchakgipa gnan, Jisu Kristo toromigipa" (1 Johan 2:1). "Maina Pagipa, pilak bichal ka-ako Depantena on-aha" (Johan 5:22). "Diabol, maina anchingni jongadarangko matnanggipako, chongmotan sal wal anchingni Isolni mikkango matnanggipako matnanggipako galataha" (Parape-a 12:9, 10). "Amen, kakket aro bebegipa saki aro Isolni dakanirangni ja-pang iarangko agana" (Parape-a 3:14). (Kolosirangna 1:12-15.)

Aganchakani: Pagipa Isol, Budepa saksa, bichal ka-aniko a-bachengataha. Ua nang-na namen ka-sagipa ong-a (Johan 16:27). Satan nang-ko matnangipasan ong-a. Salgini kachario, Jisu, jean nang-na ka-sara—aro nang-ni nambatsranggipa ripeng—Uan nang-ni ukil, bichal ka-gipa, aro sakki ong-a. Aro Ua bichal ka-aniko "rongtalgiparangni" (Daniel 7:22) palo dakgen.



3

Kristoni re-bana skang bichal ka-aniko dakanio maiasa sakkini pangchakani ong-gen? Maidakgipa niamo pangchake an-ching sakantian bichal ka-aniko man-gen? Isolara sakanti mandekon pilakkon u-itokahaode, maina bichal ka-aniko nanga?



"Bichal ka-ani ong-aha, aro ki-taprangko oaha" (Daniel 7:10). "Aro anga sigiminrangko, dal-a aro chona, singhasonni mikkango chadengako nikaha. Aro ki-taprangko oaha" (Parape-a 20:12). "Jakgitelni niamchi bichal ka-ako" (Jakob 2:12) man-gen. "Maina chinga a-gilsakna, aro manderangna Abachenga niani ong-aha" (1 Korinthirangna 4:9).

Aganchakani: la kacharina sakkirangko "Ki-taprang" oniko man-aha jeon mandeni janggi tangani chugimikkon serike donaniko dakaha. Bebe ong-ani, bi-aniko serikani, pap ku-rachakani, aro pap kema ka-aniko man-ani pilakkon uano nikna man-a. la serikanian chong-mot ong-aniko mesokani daka je Isolni bilan Kristianrangni janggi tanganirangko dingtangatna man-a. Isol An-tangni rongtalgiparangko ra-chakaha aro uamangni janggi tanganirangni sakiko sualanio katchagen. Bichal ka-anian bebe ong-aniko mesoka jeon, "Kristoo donggiparangna mamung matnanganiko dongja. Maina Kristo Jisuo janggini Gisikni niam papni aro siani niamoni angko jakgitel ong-ataha" (Romrangna 8:1).

Ge-eta Niam Mingchikkungan Isolni bichal ka-aniko dakanio pangchakani ong-a (Jakob 2:10-12). Uni niamko peanian pap onga (1 Johan 3:4). Niamni toromi ong-ani Uni pilak manderango Jisuchi chu-sokatgen (Romrangna 8:3, 4). lan ong-na amgijani ine agananiara Jisuni kattako aro Uni bilko ka-dongchakgijani ong-gen.

Bichal ka-ania Isolna u-iatna ong-ja. Una pilakkon chu-gimikan u-iatmanaha (2 Timothy 2:19). Indiba papchi ong-siatgimin a-gilsakoni piokako man-giminrang salgiona re-baenga. Sa-gre aro ga-akgugijagipa a-gilsakni manderang papo ga-aktaitaigipa manderangko rimnaphade uamangna kusi ong-gijani ong-genchim.

Indake, bichal ka-aniko chu-gimikan oprake ong-gen aro pilak sing-anina aganchakaniko dakgen. Satanni chong-motgipa miksonganide ua Isolko mikkang nigipa, ka-namgijagipa, ka-sachaka grigipa, aro bebegijagipa ong-a ine pangnan mandera-gijaniko dakronga. Una bateba ian a-gilsak aro salgisak gimikni manderangna Isolara baditana kingking papirangna chakchikna nangchongmotani ong-ahachim uko skanggipa changna nikatna nangani ong-aha. Isolni cholonni kakket bichal ka-aniko dake rai on-aniba minggipin nangchongmotgipa miksangani ong-a (Parape-a 11:16-19; 15:2-4; 16:5, 7; 19:1, 2; Daniel 4:36, 37). Uni kakket ong-e bichal ka-ahanina Isolko mitelaha aro rasongko on-aha ine u-ie ra-bo.



4

Mandeni maikdagipa janggi tanganiko Kristoni re-bana skang sandie bichal ka-anio man-aha? Maidake chong-mot ong-aniko ma-sina man-gen? Maikai on-pilskaani boksikni gimin chanchianiko dakgen?

"Maina kam mingantiko namoba namjaoba, donnuani mingantiko Isol bichalona ra-bagen"

(Aganprakgipa 12:14). "Mi raona kingking minggnikoba dal-rimchina donbo ... Mandeni Depante

An-tangni sa-grerangko watatgen, aro uamang uni songnokoniko pilak ja-gidotanirangko, aro namgija dakgiparangko chimonge wa-alni a-kolo uamangko galgen" (Mati 13:30, 41). "Nibo, anga bakbak re-baa; aro uamangni kam ong-a gita, sakantina on-na ine angni on-gni dormaha ang baksan" (Parape-a 22:12).

Aganchakani: Mandeni janggi tanga gimikkon, donnugin chanchianirangko aro donnugin kamrangkoba watchanggalgija namedaken nipiltaianiko dakgen. Iani giminsa, ia skanggip gadangni bichal kaaniko "sandie bichal kaani" ine mingaha. Kristianrang ong-a ine an-tangtangko agangipa sakantikon ia bichal ka-anio tik dake dongen. Iani Kristoni re-bana skang bichal ka-ako man-gijagipa gimagimin bimungrangkoba kenchakani griani tik ka-e dongen. Beben an-ching ka-sachakachisa jokataniko man-genchimoba, kamrango, ba cholono pangchakesa boksirangko on-gen—jean Kristian bebera-ani chong-mot ong-ani sakkiko mesoka **(Jakob 2:26).**



5

Badia dol Parape-a 20 ni bilsil 1,000 ni somoio salgio bichal ka-ano bak ra-gen? Mai miksonganio ia gnigipa bichal ka-aniko dakgen?

"Ba rongtalgiparang a-gilsakko bichal ka-gen ine na-simang u-ijama? ... An-chinga sa-grerangko bichal ka-gen ine na-simang u-ijama?" (1 Korinthirangna 6:2, 3). "Anga singhasonrangko nikaha, aro uarango asonggiparangna bichal ka-aniko on-aha" (Parape-a 20:4).

Aganchakani: "Rongtalgiparang"—Pilak chasongrangoni jokgimin manderang jerangkon Kristo An-tangni gnigipa re-bapilano salgichina rimanggen. Chanchipe nokdang ge-sa jean an-tangtangni so-ota man-gipa namnikbatsranggipa depanteko salgio ong-jaode—indiba so-otgipa re-anggenchimode. Ka-donga grian mitam aganchakanirangko nanggenchim. Gnigipa bichal ka-anian ia pilak sing-anirangna aganchakaniko on-gen. Gimagimin janggi sakantikon (Satan aro uni sa-grerangko man-gope) jokgiminrangchi nipiltaianiko dakgen, jerangan Jisu baksa sakantina jringjrotna sastini gimin chanchianiko dagen. lanon pilaknan rongtalbee nikna mangen je bichal kaaniara skatang dake kam kaani ongja. Indiba, ian basee ra-aniosa pangchaka maina manderang Jisuko ba gipin nokgipana dangdike on-na baseaniko dakaha (Parape-a 22:11, 12). (Bilsil 1,000ni gimin nipiltaianiko dakna Poraiani 1 ko nibo).





Gittamgipa Bon-kamgipa Bichal Ka-ani

6

Basako aro bano gitamggipa bon-kamgipa bichal ka-aniko dakgen? Badia gitalgipa dol ia bichal ka-anio donggen?

“Aro ua salo uni ja-arang Jerusalemni mikkango salaramchipako donggipa Joitun a-brini kosako chadenggen ... Aro angni Isol Jihova, aro un baska pilak rongtalgiparang re-bagen ... Pilak a-song, Gebaoni Jerusalemni salgipeng Rimmonona kingking a-kawe pil-gen” (Zekaria 14:4, 5, 10). “Aro anga rongtalgipa songjinma, Jerusalem gitalko, Isoloni salgioni ong-onako nikaha” (Parape-a 21:2). “Aro bilsi hajalsa matchotoa, Satan a-ani ki-tik brini jatrangko ... dakgrikaniona chimongna ong-katgen” (Parape-a 20:7, 8).

Aganchakani: Gittamgipa gadangni a-gilsakko bichal ka-ani Parape-a 20ni bilsi 1,000 matchoto ong-gen—Jisuni a-gilsakona rongtalgipa songjinma baksa re-bapilo ong-gen. Pilak denggugiparang jerangan tangaha, diabol aro uni sa-grerangko man-gope, uano donggen. Bilsi 1,000 matchoto, pilak chasonrangni denggugiparang chakatataka mangen (Parape-a 20:5). Satan uamangko tol-napna bilakgipa agananiko dakgen. Aiaomanpile, ua a-gilsakni jatrangko tol-napanio chu-sokgen je uamang rongtalgipa songjinmako rim-gittangna man-gnok.

7

lani ja-mano mai ong-aha?

“Aro uamang a-ani apalako doangaha. Aro rongtalgipani a-tipko aro ka-sara songjinmako duulaha” (Parape-a 20:9).

Aganchakani: Denggu dakgiparang songjinmako duulaha aro songjinmako nisina tariaha.





8

Maia dakgrikna miksonganiko dontongataha, aro mai ong-aha?

"Aro anga sigiminrangko, dala, aro chona, singhasonni mikkango chadengako nikaha, aro ki-taprangko oaha; aro gipin ki-tapko oaha; uan Janggini Ki-tap" (Parape-a 20:12).

"Maina an-ching pilakan Kristoni bichal ka-ramni mikkango parape-atako man-na nanga" (2 Korinthingna 5:10). "Gitel agana, Anga tanga, angna pilakni ja-sku dipangen, aro pilak sre Isolna ku-rachkgen. Uni gimin an-ching sakanti an-tangni gimin Isolna agane on-na nanggen" (Romrangna 14:11, 12).

Aganchakani: Rang-gitik, Isol rongtalgipa songjinmani kosako mikkang pa-gen (Parape-a 19:11-21). Bebe ong-ani somoi sokbaaha. A-gilsak a-bachengoni gimagimin janggi sakanti, Satan aro uni sa-grerangko man-gope, da-o Isolko bichalo mikkang pa-aha. Pilak mikronan rajarangni Rajani kosako ong-aha (Parape-a 20:12).

Sakantini Janggi Nipiltaijaniko Man-aha

Ia somoio, gimagimin sakanti janggiko uni janggi tangani gita nipiltaijaniko daka: Isolni gisik pil-china mol-molaniko dakjringani; mol-molani, chongipa ku-rang; gisiko bebero-atani bang-a changon re-baronga; una aganchakna jechakanirangko changni changan dakronga. Ia pilakkon nikna man-a. Uni bebe ong-aniko jechakna man-ja. Isol denggurangko chu-gimikan ma-sianiko nangnika. Ua nangnikenggipa pilakkon on-gen jedakode pilakkon rongtale ma-sina amgen. Ki-taprang aro serikanirang donggen.



Donue Kam Kaani Dongja

Isol donue kam ka-anio bakko ra-ja. Ua sakki gride nisiatjaha. Uano mamungba donnuani dongja. Pilakkon parake daka, aro sakantian jerangan janggi tangaha aro pilak namgipa aro namgijagipa sa-grerang ia ong-a obstako nie donggen.

Gimagiminrang An-tangtangni Ja-skurangko Dem-gen

Rang-gitikan uano dingtangani dongaha. Saksa gimagipa janggi an-tangni ja-skurango dipane an-tangni dakgualaniko ku-rachkgen aro Isolara nangana bateba una krae dakaha ine paraken ku-rachkgen. An-tangni gaora dakanian ra-chakna gita jechakaha. Aro pilakchinin da-o, manderang aro namgijagipa sa-grerang apsandaken ja-sku

dem-gen (**Philippirangna 2:10, 11**). Uni ja-mano pilakan damsan ong-e, dongpitigipa manderang aro namgijagipa sa-grerang Satan baksa, Isolni mikkango ja-sku dipangen (**Romrangna 14:11**). Uamang paraken Isolni bimungko pilak matnanganirangoniko ku-rachakgen aro Uni ka-sae dakaniko, uamangko ka-sachake jakkalani gimin sakki on-gen.

Pilakan Bichala Ka-aniko Kakket Ong-a Ku-rachakgen

Uamangni kosako sina rae on-anlara krara ine pilakan ku-rachakaniko dakgen—paponi naljokna iasan ong-a. Gimagipa sakantian indine aganna mangen, “an-tangko nasiatani ong-a” (**Hosea 13:9**). Isol da-o agilsak aro salgisakni mikkango kakket ong-a ine chadenga. Satanni matnanganirang aro a-kange ra-anirangko oprake on-aha aro papibegipa tol-anian gapgipa ine namgija bimungko on-aha.

9

Maia bon-kamgipa kam ka-anirang papko a-gilsakoniko nisiatsranggen aro toromirangna mikkangchi naljokgipa nokko on-gen?

“Uamang ... Rongtalgiparangni a-tipko aro ka-sara songjinmako duulaha. Unon wa-al salgioni ong-onbae uamangko minokaha. Aro uamangko brangatgipa Diabolko wa-alni aro gondokni wario galaha” (**Parape-a 20:9, 10**). “Aro na-simang denggugiparangko ga-bekgen” (**Malaki 4:3**). “Maina, nibo, anga salgi gital, aro aha gitalko ongata” (**Isaia 65:17**).

“An-ching gital salgirang aro gital a-ako nichaksoenga, jeo toRomrangna dongkama” (**2 Pitor 3:13**). “Nibo, manderang baksa Isolni dongchakani, aro Ua uamang donggen, aro uamang Uni manderang ong-gen, aro Isol An-tangan uamang baksa ong-gen” (**Parape-a 21:3**).



Aganchakani: Salgioni wa-al papirangni kosako ga-akgen. Wa-al papko aro uno dongkamna namnikgiparangko jringjirota chu-gimikan nasiatgen. (Poraiani 11 o wa-al gondokni gimin chu-gimik talataniko nibo). Ian Isolni manderangna namen dukni aro jajaani somoi onngen. Mande sakanitan wa-al ka-sagimin ba ripengrang donggen. Nitimgipa sa-grerang gimagimin manderangna grapgen jerangkon uamang chelchakaha aro bang-a bilsirangna ka-saaha. Kristoba An-tangni ka-sagiminrangna grapgen jerangan ru-uta somoirangna mol-molchakaniko dakaha. Ua kenbegnipa somoio, dukan gapgipa, an-chingni ka-sabegipa Pagipa—dakgrikchakgen.

Gital Salgirang aro Agilsak

Indake Gital An-tangni pioka man-gipa manderangni mikchirangko u-sitgen (**Parape-a 21:4**) aro gital salgirang aro gital a-gilsakko An-tangni rongtalgiparangna ong-atgen. Aro pilakna bate nambate, Ua An-tangni manderang baksa pangnajolna donggen!





10

Maikai Niam Gitchamni toRomrangna tambuni Namgrimrikani Salo dangdike on-aniara bichal ka-aniko aro Isolni papko a-gilsakoniko nisieate nangrime donganiko ong-atpilaniko mesoka?

Aganchakani: Poraiani 2 o, anching skie ra-aha je Satan tol-e Isolto matnangaha aro ra-bianiko dakaha, indake ong-sigipa papni namgijaniko a-gilsakona ra-baaha. Chengoni Israelrangna Nanggrimrikani Salko chinrangchi skie on-aniko dakaha jechin Isol papni neng-nikaniko namatna kam ka-aha aro nangrimataniko dakachi a-gilsakna tom-tomaniko ra-bataiaha. (Nangrimaniara changsanon pilakna Isolni chu-gimik ku-cholsan nangrimaniko ra-baani ine miksongani ong-a). A-gilsakni toRomrangna tambuo dakmesokani kamrangara:

- A. Jihovani dobokko manderangni paprangko pindapna sootaha.
- B. Dalgipa kamal pap watramo anchiko satkikiaha
- C. Bichal kaaniko indake dakaha:
 - (1) Kakketgiparang jokatako man-aha.
 - (2) Gisik pil-gijagipa den-sotako man-aha.
 - (3) Papko toRomrangna tambuoniko ra-galaha.
- D. Paprangko azazelni kosoko gataha.
- E. Azazelko bakraona watataha.
- F. Papko manderangoniko aro toRomrangna tambuoniko rongtalataha.
- G. Pilakan gital bilsiko rongtalgipa serikani baksa a-bachengaha.



Ia dakmesokani kamrangara salgini toRomrangna noko chong-motgipa nangrimaniko dakani kamko mesoka –A-gilsak salgisak gimikni Isolni skotong kam ka-chakram. Kosako on-gipa skanggipa mesokaniara ka-mao on-gipa skanggipa obostako mesokani chin ong-a; kosako on-gipa gnigipa mesokaniara ka-mao on-gipa gnigipa mesokani chin ong-a, aro gipinrang.

- A. Jisu mande jatni palo hom boli ong-e sichakaha (1 Korinthisrangna 15:3; 5:7).
- B. Jisu, an-chingni Dalgipa Kamal ong-e, Isolni bimangona manderangko ong-atpilaha (Ibrirangna 4:14-16; Romrangna 8:29).
- C. Bichal kaaniara–nama aro namgija–dake janggi tanganirangko bebe onga ine mesokaniko ona–aro indake salgini toRomrangna nokoniko papni gimim serikaniko ragala (Parape-a 20:12; Watatarang 3:19-21).
- D. Satanan papko a-bachengatgipa aro manderangko pap ka-atgipa ine chu-gimik daitoko ra-a (1 Johan 3:8; Parape-a 22:12).
- E. Satan “bakraona” rikgalatako man-aha (Parape-a 20ni 1,000 bilsirang).
- F. Satan, pap, aro papo rim-kinggiparang nisieatoko man-aha (Parape-a 20:10; 21:8; Gitrang 37:10, 20; Nahum 1:9).
- G. Gitalgipa a-gilsakko Isolni manderangna ong-ataha. Papchi gimaatgipa pilak namanirangko Jihovani toromirangna on-pilaha (2 Pitor 3:13; Watatarang 3:20, 21).

A-gilsak salgisakko aro uno donggipa pilakkon pap gri ong-atkujana kingking namgrikatani kam chu-sokgipa ong-kujawa—pap mamungdakeba chakapiltaijawaha ine ka-donganiko on-a.

11

la Poraianio parape-ahani gita bichal ka-aniara maia namgipa kobor ong-aha?

Aganchakani: Chinga nang-na namgipa koborko ka-mao kan-dike mesokatenga:

- A. Isol aro Uni papni nengnikaniko namatna kam kaaniko agilsakna kakket onga parakgen. la bichal ka-ani gimin mongsonggipa miksongani ong-a (**Parape-a 19:2**).
- B. Bichal ka-aniko Isolni manderangna chake chanchianiko dakgen (**Daniel 7:21, 22**).
- C. Toromirang pangnajolna paponi naljokaniko man-gen (**Parape-a 22:3-5**).
- D. Pap chu-gimikan gimaatako man-gen aro gnigipa changna chakattaijawaha (**Nahum 1:9**).
- E. Papni a-sel Adam aro Hobani gimaatgipa pilakkon piokgiminrangna on-piltaigen (**Parape-a 21:3-5**).
- F. Denggurang tapra changgen—bon-changgija sastiko man-jawa (**Malaki 4:1**).
- G. Bichalo, Jisuan bichal ka-gipa, baltigipa, aro sakki ong-a (**Johan 5:22; 1 Johan 2:1; Parape-a 3:14**).
- H. Pagipa aro Depante sakgnian an-chingna ka-sara. Diabolsa an-chingko matnanga (**Johan 3:16; 17:23; 13:1; Parape-a 12:10**).
- I. Salgini ki-taprang toromirangna dakchakani ong-gen maina uarang uamangko jokatanio Isolni dilaniko mesokgen (**Daniel 12:1**).
- J. Kristoo ong-giparangna mamung matnangani dongja. Bichal ka-anian kakket ong-a ine mesokgen (**Romrangna 8:1**).
- K. Janggi saksaba (mande ba sa-gre) Isolko krae dakja ine matnangjawa. Isolara ka-sagipa ong-a, krae daggipa, ka-sachakgipa, aro pilak kamon ka-sae daggipa ong-a ine ku-cholsan agangen (**Philippirangna 2:10, 11**).



12

Nang-ni janggio Jisuko napna aro Uko sason ka-na on-ode aro okamode, Isol nang-ko salgio bichal ka-anio kema watna ku-rachakenga. Na-a Uko da-alo napchina okamjawama?

Nang-ni Aganchakani:



Nang-ni Sing-anirangna Aganchakaha

1. Jisuko Jokatgipa aro Uko Gitel ine ra-chakanio maia dingtanggrikani donga?

Aganchakani: Uano dingtanggrikani namen donga. Jensalo na-a Uko Jokatgipa ong-a ine ra-chakon, Ua nang-ko dosi ine chanaoniko aro papni sastianiko jokata aro gitalgipa atchianiko nang-na on-gen. Ua nang-ko papi ong-aoniko toromiona dingtanga. Ia kamara rasongan gapgipa aiao inmanani ong-a aro janggi jokanina nangchongmotgipa ong-a. Ia gride darangba jokna amja. Indioba, Jisu ia somoio nang baksa matchotkujawa. Na-a atchitaianiko man-aha, indiba Uni miksonganide na-aba Ugita ong-na dal-rorona nanggen (**Ephesurangna 4:13**). Jensalo na-a Uko sason ka-gipa-Gitel-ine nang-ni janggi tanganio salantio ra-chakjringode, Ua, An-tangni aiao inmmanggipa kamrangchi, nang-ko ka-sachakanio aro Kristian bewalo Kristoo brigipa mande ong-kujana kingking dal-rorona dakchakgen (**2 Pitor 3:18**).

An-ching An-tangtagni ramao-Neng-nikani

Neng-nikanide an-chingara an-tangtangni janggi tanganirangko an-tangtanga chalaina nangnika. Sastro iako “namgija dakani” ine minga, jean pap ong-a (**Isaia 53:6**). Jisuko an-tangtangni Gitel dakaniara inditan nangchongmotgipa ong-a je Niam Gitalo Uko “Gitel” ine japananiko 766 changrangna dakaha! Watatarangni ki-tapo mangmangan, Uko “Gitel” ine agananiko 110 changrangna dakaha aro “Jokatgipa” ine changngina kingking janapaha. Uko Gitel aro an-chingni janggirangko Sason Ka-gipa ine u-ina nanganiara baditan nangchongmotgipa ong-a ine ian mesokaha.

Uko Gitel Dakna-Simsakgijani

Jisu An-tangni Gitel ong-aniko changni changan dakaha maina Ua u-iaha je Uko Gitel ine mukut stikaniko gualgenchim aro simsakgijani ong-genchim (**2 Korinthirangna 4:5**). An-ching Uko an-chingni janggi tanganirango Gitel dakjaskalde, Kristoni toromi ong-anio mamung dakeba chu-gimik ganatako man-gipa Kristianrang ong-jawa. Indiba, an-chingara duk man-gipa, ka-sachakako nanggipa, kangalgipa, kanagipa, aro nagandegipa” ong-e dongaigen—aro namjabatgipade, “mamungkoba nangjaha” ine an-chingara chanchianiona sokatgen (**Parape-a 3:17**).

2. Isolni manderangni paprangko Namgrimatani Salo azazelna watgipa dobokona ra-angahani gimin, uara an-chingni papko ra-gipaba ong-jama? Jisusan mangmang an-chingni paprangko ra-gipa ong-jama?

Aganchakani: Azazel do-bok, jean Satanko mesoka, an-chingni paprangko ra-ja ba damko chotja. Jihovani do-bok, jekon Nangrimatani Salo boli on-ahachim, uan Jisuko mesoka, jean an-chingni paprangna Sko Bikroko sichakaha. Jisusan mangmang “agilsakni papko raanggipa” (**Johan 1:29**). Satan an-tangni paptangna sasti on-ako (pilak gipin papirang gita—**Parape-a 20:12-15**) man-gen jean (1). Da-o dongenggipa papna, (2). An-tangni pilak namgija kamrangna, aro (3). A-gilsako sakanti mandeko pap ka-atana daitoko man-gopaha. Isol namgija kamna uko dosi galgen. Ian Nangrimatani Salo papko azazel do-bokona (Satan) ra-angaha gita mesokani ba chin ong-a.

3. Sastro talataniko daka je Isol pilak pap ku-rachakgipakosa kema ka-a (1 Johan 1:9). Indakeba talataniko daka je kema watako man-genchimoba, ia paprangko serikanide salgini ki-taprangko bon-kamani somoiona donkua (Watatarang 3:19-21). Mainasa pap kema ka-ako man-mano paprangko ra-galkuja?

Aganchakani: Uano namen nanggipa a-sel donga. Denggurangko bichal ka-jana kingking salgio bichal ka-ani matchotkujawa - chong-motan a-gilsakni chon-kamao denggurangko nisiatna skang bak tapan ong-gen. Isol serikanirangko bon-kamgipa bichal ka-aniko dakna skang nisiatgenchimode, donmitape kam ka-aha ine Uko matnanggen. Bichal ka-ani matchotjana kingking pilak kamni gimin serikanirangko nikna man-na gita oprake dongen.



4. Bichal ka-aniko chisolsako dakmanjok ine mitamrang agana. Sakgipinrang siani somoio bichal ka-aniko daka ine agana. Poraiano kakket ong-a ine mesokaha gita bichal ka-ani somoiko u-ina an-ching man-ama?

Aganchakani: Oe. An-ching bichal ka-ani somoiko u-ina man-a. Isol rongtalbee **Daniel 7** o dingtangmancha changgittamna kingking talataniko dakaha. Isolni dingtangmanchagipa somoini gimin u-ie ra-bo; Ua chong-mot ong-gijanina biapko on-jaha. Isol sulsul dake ia odhai sao (**8-14, 20-22, 24-27**) donaha aro aganaha, iarangara:

- A. Chongipa grongni bil—AD 538—1798 on sason ka-aha (Poraiani 15 ko nibo).
- B. Bichal Ka-ani—1798 bilsini ja-mano a-bachengaha (1844 bilsio) aro Kristoni gnigipa re-bapilaona kingking ong-angkugen.
- C. Isolni gitalgipa songnok—bichal ka-a matchoto songaha.

Isol iani gimin talataniko dakaha je bichal ka-aniara siao ba chisolsako ong-jaha, indiba 1798 aro Jisuni gnigipa re-bapilani gisepgriko ong-aha. Iakon gisik ra-bo je skanggipa sa-greni nama kattako bak dake donaha, “Uni bichalni konta sokbaaha” (**Parape-a 14:6, 7**). Isolni bon-kamgipa somoini manderang Isolko rasong on-na a-gilsakna aganna nangenga maina bon-kamgipa bichalni konta da-on ong-engaha!

5. Maia nangchongmotgipa skie ra-anirangko an-ching bichal ka-ani gimin an-chingni poraiaoniko skie ra-na man-a?

Aganchakani: Ia mingbonga chanchianirangko u-ie ra-bo:

- A. Isol kamko kana skang ru-ute somoiko ra-a gita nika, indiba Uni somoiara tik somoion ong-a. Darang gimagipa mandeba, “Angade u-ija” ba angade ma-sija” ine aganna man-jawa.
- B. Satan aro pilak rokom namgijanirangan bon-chotaode Isolni bichal ka-aniko man-gen. Bonkamgipa bichal kaaniara Isolni kam onga aro Uo pilak sakkirang dongani gimin, an-ching sakgipinrangko bichal ka-na nangja, aro uko dakchina Una on-na nanga. Ian Isolni bichal ka-ani kosako kam ka-aniara an-chingna namen chanchina nangani ong-a. Ian Uni bilko ra-seke ra-ani gita ong-a.
- C. Maikai an-ching Isolna dakgenchim aro sana dangdike on-na nanggenchim uko dakna an-chingna jakgitele chanchina on-aha. Indioba, jensalo an-ching Uni Kattana bikpile chanchion, namjabegipa biterangko ra-na an-chingba tarie dongna nanga.
- D. Isol an-chingna inditan ka-saaha je Ua an-chingna Daniel aro Parape-a ki-taprangko bon-kamani salni gimin rongtale ma-sina on-aha. An-chingni naljokanide Uko knachake aro ia dal-gipa katchinikani ki-taprangoni gita Uni ku-pataniko ja-rikanichisan ong-gen.
- E. Satan an-ching sakantikon nisiatna miksongaha. Uni tol-napani budhirangara inditan gisiko nangatani ong-a aro bebera-atna man-gipa ong-a je adita bang-gija manderang tol-napaniko man-gen. Kristoni chakatpilani bil an-chingni salanti janggi tanganio diabolni ja-garangoni an-chingko chelchakna kam ka-jaskalde, an-chingara Satanchi nisiataniko man-aigen.

Nang.ni agananiko ba sing.anirangko iano sebo

Ia Poraianiko Dakdilani lesson 27ni lesson sa ong-a.

Poraianiko Dakdilani lessonprakon aiao in mangipa chong-mot ong-anirangchi gapataniko man-aha jean nang-na aro nangni nokdangna namgni ong-gen. Mingsakoba watchanggalnabel!

- Poraiani 15: Antichrist Sawa?**
- Poraiani 16: Kosakoni watatgipa Sa-greni Nama Kattarang**
- Poraiani 17: Isol Miksonganirangko Tarisoaha**
- Poraiani 18: Tik Dongimin Somoio!**
- Poraiani 19: Bon-kamgipa Bichal Ka-ani**
- Poraiani 20: Matburungni Chin**
- Poraiani 21: Sastroo USA ko Katchinike Agansoani**
- Poraiani 22: "Sakgipin" Me-chik**
- Poraiani 23: Kristoni Namchik**
- Poraiani 24: Isolara Sima Nigiparangko Dilahama?**
- Poraiani 25: An-chingara Isolo Ka-dongchakama?**
- Poraiani 26: Dingtangatna Man-gipa Ka-saani**
- Poraiani 27: Re-bapilani Dongjava**

Jensalo na-a Poraini 14 ni skanggipako matchotahaon, bang-bate poraidapaniko dakna chingoniko bi-atbo:

Amazing Facts India, Post Box No 51, Banjara Hills, Hyderabad -500034

la Summary Sheet-ko matchotna skang ia lesson-ko poraichengbo. Aganchakani gimikkon Study guide-o man.gen. ong.gipa aganchakani-o check(✓)- ko donbo. **Parenthesis-o ong.gipa number-rang (1) badita ming aganchakanirang ong.a uko mesoka.**

Form-ko gapatna “Adobe reader” ko jakkalbo.

1. **Bon-kamgipa bichal ka-aniara badita gadangrang donga? (1)**
dok Sa Gittam
2. **Skanggipa bichal ka-ani gadango chong-motgiparango sandibo. (7)**
Ian Kristoni re-bana skang bichal ka-ani
Ian 1844 bilsio a-bachengaha
la somoi da-on ong-engaha
Satan matnanggipa ong-a
Gabriel sa-grean bichal ka-gipa ong-a.
Isolsa dakdilenga
Jona katchinikgipa iani gimin agansoaha
Isolni niam gita bichal ka-gen
Kristianrang ong-a ine kange ra-gipa janggirangni
gimin chanchigen.
3. **Iarangoni badia skiani gnigipa bichal ka-anini gimin agana, jean bilsio 1,000 ni somoio ong-gen? (3)**
Pilak chasongrangni toromirang donggen
Satan kachario bichal ka-ani kamrangko golmal ka-gen.
Satan sastiko man-na kraa ine pilakan ku-rachakgen.
Satanni sa-grerang kema ka-ako man-gen.
Denggurang an-tangtangni bilrangko dabigen.
Maini gimin an-tangtangni ripengrang gimaaha toromirang skie ra-gen.
4. **Jisu rokom gittam bilrang dangdike ongen. Uarangara mairang? (3)**
Bichal Ka-gipa
Sakki Ong-e Kam Ka-gipa
Ainni Kam Ka-gipa
Kachario Klerkni Kamko Ka-gipa
Chelchakgipa Ukil
5. **Bilsio 1,000 matchoto rongtalgipa songjinmako changdulani jamano papirang mikkangchakchak bichal ka-ao chadenggen. (1)**
Ong-a ong-ja.
6. **Gimagimin mande sakantina maini gimin gimaaha Isol rongtale mesokgen. (1)**
Ong-a Ong-ja
7. **Badia bichal ka-anio mande sakantian (namgipa ba namgija) jerangan tange dongaha, pilak namgijagipa sa-grerang aro Satanba, bichal ka-anio paltang ong-e chadenggen? (1)**
Skanggipa gadang—Kristoni rebana skang bichal kaani
Gnigipa gadang—1,000 bilsirangni somoio
Gitamggipa gadang—1,000 bilsirangni matchoto.
8. **Maina serikani ki-taprangko salgio bichal ka-anio nanga? (1)**
Chong-mot ong-anirangko Isolna u-iatna
Gualnaba donga ine Isolko gisik ra-atna.
Sa-grerangna maikoba dakchina.
Isolara kakket dakgipa aro bichal ka-aniko kakket dakgipa ine manderangna, sa-grerangna, aro gipin a-gilsakrango donggipa manderangna u-iatna.
9. **“Nangrimani” ortoara pilakkon Isolni chu-gimik nangrimaniona ra-baani ine miksongani ong-a.” Ka-mao donsogipa badia dal-gipa salgini nangrimani bak ong-a? (5)**
Jisuni chisolsako sichakani
Bichal ka-ani
Dal-gipa Kamal ong-e Jisuni dangdike on-ani.
Noahni somoio chi dubiani
Singhoni akolo Danielko galani
Pap aro papirangko bon-kame nisiatani
Gital salgi aro gital a-gilsakko dakani
10. **Bichal ka-anio badiarang namgipa koborarang ong-a? (5)**
Bichal ka-ani raiko toromirangna chanchianiko dakgen.
Diabol jringjrotna kame donggen.
Pap mamungdakeba dongtaijawaha

Pap mikkangchi altuae dongtaina man-a.
Jisuan an-chingni ukil, bichal ka-gipa, aro sakki ong-a.
Isolni papni kosako aro janggi jokanina kam ka-aniko chu-gimik kakket ong-a ine mesokgen.
Adam aro Hobani papchi gimaatgipa pilakkon man-pilgen.

11. Satanko bichalni do-bok azazel ine aganania maia bebe ong-ani donga? (3)

Papko a-bachengatani gimin uko sasti on-aha.
Pilak mandeko papona dilangahani gimin ua sastiko man-aha.
An-chingni paprangna gamania ua mamungkoba dakna nangja.
Satan dobok azazel ong-na jechakgen aro kate jokgen.

12. Niam gita ong-gija bichal ka-ani ong-ja. Indiba, ian manderangko Jisuna dangdike ba gipin nokgipana dangdike on-na basee ra-ani ong-ama una kakket ong-aniko mesokani ong-a.(1)

Ong-a Ong-ja

13. Bichal ka-anio mongsonggipa miksonganide manderangna, Satanna, nama aro namgijagipa sa-grerangna, a-gilsako songdonggiparangna rongtale ma-siatna ong-a, chong-motan Isolara papko gisik seng-e, apsan dake, aro a-bachengaonin kakket ong-e kam ka-aha. (1)

Ong-a Ong-ja

14. Na-a Uko nang-ni janggi tangao napna on-ode aro Uni sasono dongkamna on-ode, Isol nang-ko salgio bichal ka-aoniko jakgitel ong-atgen. Na-a Uko nang-ni janggi tangania da-alo napna on-jawama?

Ong-a Ong-ja

Kosako sing.anirangna bon.e aganchakbo!



Nang.ni bimung, email aro phone no. ko enroll ka.na gita gapatbo.

Nang.ni minggipin indin on.gipa Study guide-ko man.a gita "Submit" ingipao click ka.bo.

Nang.ni bimung :				
Nang.ni Email :				
Phone Number :				
Nang.ni Address :				
City, District :	State :	Country :		
Pin :	Bils :	Misi :		

Nang.ni contact info-ko tik dake on.bo